

www.BibleForChildren.org

Mateo 8




Yehti mukirare angwane, ni iti kākwe ja mikani gure juta Canáte kā Galileate. Ye kánti Jesu meye nāmane arato amne, Jesu kārābare arato nitre ja tōitikaka benbe, ni iti nāmane ja mike gure ye kánti.



Jesu nämane yete angwane, uba dōi krütani. Abtä Jesu meye kākwe nieba ie: Uba dōi küre jire jökrä, nieba kwe Jesuye. Angwane nitre nämä uba dōi dräire, ye ie Jesu meye kākwe nieba: Niarakwe dre nuemna munye, ye erere munkwe nuen jökrä, nieba kwe ietre.



Angwane nitre sribikä yete, ie Jesukwe
nieba: Jä dätebare ñö ngwäre tä yete, ye
te ñö keka munkwe, nieba Jesukwe. Ye
erere sribikä käkwe ñö kekaba jändrän ye
iti iti jökrä.



Angwane Jesukwe nieba mda ietre: Mtare ñö den ruäre, mun rika ngwena. Nita mikani ji dokwäte bietabtä, ye ie munkwe bian, nieba kwe ietre. Ye erere sribikätre käkwe nuenbare jökrä.



Angwane ñö nikwitani uba döire Jesu diebti ye ni ji dokwäte bietabtä käkwe bänän nuaba, akwa uba döi ye jatani mdenkri abko ñan rababa gare ie. Akwa nitre sribikä käkwe ñö diani ye aibe ie namani gare.



Angwane ni ji dokwäte bietabtä, ye käkwe uba dői
bänän nuaba, bti ni ja mikaka gure ye käräba kwe,
käkwe nieba ie: Ni jökrä kätä
uba dői bäri kuinkuin keke
käne ñadre, bti ni
nübaibare bietabtä ye
tärä uba dői ñaen kabre,
ye ngwane uba dői
ñakare kuin
bianta mrä
ñadre nie.



Akwa ma abko kākwe uba dōi
bāri kuin abko ürü ñadre mrä.
Ye abko bāri kuin, nieba kwe
ni ja mikaka gure yeye.



Jesukwe ñö kwitani uba döire juta Canáte Galilea ye
abko sribi kri ñan tuabare nuenba
kena Jesukwe Ngöbö
nämane ben mikakäre
gare.




Yebtä abko Jesu ütiäte kri bä mikaba tuadre angwane,
nitre ja töitikaka ben käkwe tödekaba
niarabti.



Abti Jesu nikani Pedro gwiriete angwane,
Pedro köbrän merire abko nämane bren
drangwan kisete, abtä nämane kitanintbe
jänbti temen, kánti Jesu namani.



Jesu namani kanti angwane, Jesukwe nuaninbtä jirekäbe kisebtä. Ye btäräbe drangwan nikaninbe batibe btä, namanintabe quinta, aise te nükani dikekäta krö, kä nikani mrö känene Jesu bukakrä.




Kä jatanina iko angwane, ni kwati nünanka juta yete nükani Simón kánti mräkä bren bren ngwena amne mräkä nämane ja tare nike üai käme kisete abko jänikani Jesuye mikadreta kuinta kwe abkokäre. Ni namani kwati krübäte ja ükaninkrö jukwebtä angwane, Jesu namani ni bren bätäkä ngwarbe miketa kuinta.



Arato üai käme juanintari mento kwe ni kwatibtä. Jesu nämane sribire Ngöbö diebti abko nämane gare üai kämeye, aise te Jesukwe üai käme kukwei ötani jökrä arato.



Erere arato, Jesu die namani kri ni mikare quinta,
abkotari ni jökrä bren bren tö namani Jesu nuainbtä,
erere namani nuenbtä angwane, namanintre quinta
Jesu diebti.



Angwane ni jatani nibkä ni bren ngwena iti ja ñäte Jesuye. Ni bren ye abko ni ruen ñakare ngrabare abko kisete dikekä ñakare abko jatani ngwena ja ñäte Jesuye.



Akwa ni nämane kwati dikaro aise, ñan namani neme Jesu kanti. Abtä nikanintre jubti käin, käkwe ju mkä tikaninkä, bti ni bren ye gibianinkä jänkwata ngöi ju mkäte ta timon kwetre Jesu ngwärecri.



Nitre nükani ni bren ngwena amne ni bren ye nämane tödeke kwatibe Jesubti namani tuen Jesuye angwane, Jesukwe niebare ni bren yeye: Tikwe ma ngite Ngöbö rüere ye dininkä mento mabtä ti mräkä, niebare kwe ie. Näin krö. Jänkwata makwe ye den kisete amne nänta ja gwiriete, niebare kwe ie.




Yebti Jesu nakwani rute amne nitre ja tötikaka ben
abko nikani siba niarabe. Nikanina
ñöbti se kwrere angwane, batibe
müre jatani mate ribi krübäte
ñübe mni mni, ye abko
namani ñö kite jökrä rute,
aisete ru jatani niken ñöte
nguse, akwa Jesu
abko nämane kibien.




Abtä Jesukwe niebare ietre: ;Se ñobtä munta tödeke ñakare dikaro Ngöböbti amarebti mun nibi nekwetekä krübäte dikaro ja jiebti ye! niebare Jesukwe ietre.

Jesukwe ñäkäbare kore ietre, bti nükani dikekä krö, käkwe ñäkäbare müreye amne ñöye. Ye btäräbe müre amne ñö namani kwekbe jökrä.



Yebtä abko, nitre ja töitikaka Jesube ñan töi namani
krütare mda Jesubtä, kä namani niere jae kwärikwäri:
¿Ni ne abko ni ño amarebti müre amne ñö kätä
kukwei mike täte jökrä se? namani niere jae
kwärikwäri.



Ye kwrere ni Kä
Nebtä Ngobo rabadi
kaninkä käin, ñobtä ñan angwane Ngöbö ara
käkwe ni jökrä tarebare kri krübäte, käkwe ja
Odei itibe biani müre ketadre Kräke, ni jökrä
käkwe tödekadre Ngöbö Odei yebti angwane
angwane, ñan rabadre ganinte kärekäre
Ngöbö okwä bäre mento, akwa
nünandre kärekäre kwe Ngöböbe,
abkokäre Ngöbökwé
juani,



Romanos 3:23

ñobtä ñan angwane ni jökrä käta ja mike ngite Ngöbö rüere, abtä Ngöböta kukwe nuemna nie, ye abko ni jökrä ñan tä mike täte metre jire chi. Ye aise te ni ñakare jire iti abko metre Ngöbö kwrere.

Romanos 6:23

Akwa kukwe kämekäme nuenta nikwe abko ütiäre nita krüte amne nita mente kärekäre Ngöböye, akwa ja moto kuinbti Ngöböta ni mike nüne kärekäre jabe ni Dänkien Kristo Jesu köböire, ye abko tä nuene ngwarbe ni kräke amne ñan tä ütiä kärere nie.



Hebreos 9:27

Ye abko, ni jökrä krütadre batibe abko ükaninte kore Ngöbökwe nikä, abti kritobo tä kukwe ükete, ye kwrere Ngöbökwe kukwe ükadite nikä.

Efesios 2:8,9

ñobtä ñan angwane Ngöbökwe ja moto mikani kuin munkrä käkwe mun dianintari, munkwe tödekani Jesubti angwane. Ye abko ñan jändrän kuin nuenbare munkwe abko ütiä nükani kore munye, akwa Ngöbö ara jire käkwe mun dianintari ngwarbe ja moto kuinbti. Mdakäre abko, ñan munkwe sribi kuin nuenbare au jakrä abko ütiäre mun namani dianintari, ye abko ni ñakare jire iti rabadre bike kri, abkokäre Ngöbökwe kukwe mikanintbe kore,



Romanos 10:9,10

Kukwe mun diantarikrä abko tä ja ken munbe, ñobtä ñan angwane Jesu abko ma Dänkien makwe niedre ja kada jenbti amne Ngöbökwe Jesu mikaninta nire, yebti makwe tödekadre amne makwe mikadre era ja töibti angwane, ma rabadi dianintari. Ye abko, Jesu mikata era ja töibti amne tödekata bti, yebtä ni ngite ñakare mda abko Ngöböta niere nibtä amne, Jesukristo abko ni Dänkien nita niere ja kada jenbti, ye ngwane nita nebe dianintari.



Juan 3:16,17

Ye kwrere ni Kä Nebtä Ngobo rabadi kaninkä käin, ñobtä ñan angwane Ngöbö ara käkwe ni jökrä tarebare kri krübäte, käkwe ja Odei itibe biani müre ketadre Kräke, ni jökrä käkwe tödekadre Ngöbö Odei yebti angwane, ñan rabadre ganinte kärekäre Ngöbö okwä bäre mento, akwa nünandre kärekäre kwe Ngöböbe, abkokäre Ngöbökwé juani, ñobtä ñan angwane ñan Ngöbökwé ja Odei juani ni kukwe kämekäme nuenkä Ngöbö rüere mikakäre ja tare nike, akwa niara köböire rabadre dianintari, abkokäre juani kwe.



1 Juan 5:11-13

Kukwe era metre niebare Ngöbökwe niara Odeibtä abko krörö: Ngöböta ni mike nüne kärekäre niara Odei köböire. Ye aise, nire nire tä tödeke Ngöbö Odei Jesukristobti, ni ye abko rabi nüne kärekäre Ngöböbe, akwa nire nire ñan tä tödeke Ngöbö Odei Jesukristobti, ye käkwe ñan nünandre kärekäre Ngöböbe. Mdakäre abko ti mräkätre, munta Ngöbö Odei mike era jae, kätä tödeke bti, ye köböire mun rabi nüne kärekäre Ngöböbe abko rabi gare metre munye, abkokäre tita tärä ne tike munye.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Ngäbere NT (gym) © 2004, Wycliffe Bible Translators, Inc.
All rights reserved.

<https://live.bible.is/bible/GYMWBT/MAT/1>

©2025 Bible for Children, Inc.

www.M1914.org

www.bibleforchildren.org

